



JU OŠ „Umihana Čuvidina“ Sarajevo

Broj: 31

Ađuci



Predstavljamo
maturante

Radovi
naših
učenika

Dječije
igralište



Vspjesi se nižu

Projekti i
projektna nastava

Intervju sa ...

Maj, 2015.



JU OŠ "Umihana Čuvidina" Sarajevo

Adul - školski časopis



Urednici

Članovi Novinarske sekcije

Anida Đipa
Anida Tinjak
Edna Krasnić
Nedžma Maksumić
Selma Tošić
Midhat Nuhović
Nejra Pezo
Amina Dudo
Belma Šikalo
Asja-Šaha Tucaković
Ajša Osmanović
Hana Isljami
Anesa Šesto
Amra Šehović



Voditelj Novinarske sekcije:

Ramiz Dedić

Tehnička obrada:
Elma Botulja



E-mail: umihanac@bih.net.ba

Dešavanja u školi ...

Kada su u **septembru** prvačići došli u školu imali su veliko iznenađenje. Čekao ih je školski pribor koji je organizovala Općina Novi Grad. Hvala im na tome!



07. oktobra na radost najmlađih stanovnika našeg naselja, Boljakovog Potoka svečano je otvoreno novoizgrađeno dječije igralište. Ovim projektom Općina Novi Grad obezbjedila je prostor za dječiju igru, samim tim i obradovala je naše mališane. Hvala Vam!

Načelnik Općine Novi Grad Sarajevo **Semir Efendić** i pomoćnik načelnika za obrazovanje, kulturu, sport i lokalni razvoj Elvir Resić posjetili su našu školu i upoznati su sa projektom oko izgradnje fiskulturne sale za čiju projektnu dokumentaciju je Općina izdvojila 40.000 KM.



19. oktobra na času **odjeljenjske zajednice** održana je prezentacija za učenike **petog razreda** na temu „**Pozitivne i negativne strane Interneta. Facebook.**“. Predavanje održali roditelji V-1 odjeljenja **Čatić Nedžad – MUP F BiH** i **Cibra Mensur – Agencija za zaštitu ljudi i imovine.**



17. novembra na veliko zadovoljstvo **učenika IV-4 razreda**, času bosanskog, hrvatskog, srpskog jezika i književnosti prisustvovao je poznati bosanskohercegovački **književnik i novinar Fuad Kovač**. Predstavio je knjigu „**Veliki odmor**“.



18. novembra povodom obilježavanja **Međunarodnog dana prava djeteta**, tri učenika srednje Zubotehničke škole u Sarajevu sa bivšim učenikom naše škole **Čolić Amerom**, održali su predavanje o **Nesigurnosti u saobraćaju**. Učenici II razreda su aktivno sudjelovali u predavanju i na taj način ponovili stečeno znanje iz oblasti Saobraćaj.

20. februara stručna saradnica za profesionalnu orientaciju i selekciju u Javnoj ustanovi "Služba za zapošljavanje Kantona Sarajevo" **Tamara Jakupović**, dipl. psiholog realizovala je predavanje za sva odjeljenja IX razreda.



Edukativna druženja učenika i nastavnika

POSJETA vaterpolo turniru

“SARAJEVO CHAMPIONS CHALLENGE 2014”



Od 12. do 14. septembra na Olimpijskom bazenu Otoka održan je Šesti međunarodni vaterpolo turnir “SARAJEVO CHAMPIONS CHALLENGE 2014”. Turnir su posjetili **učenici VIII-4 razreda** zajedno sa svojom razrednicom Jasminom Slatinom Sućeska.

DANI MATICE HRVATSKE U SARAJEVU

27. oktobra u Muzeju književnosti i pozorišne umjetnosti održana je izložba likovnih radova sarajevskih osnovnih škola u organizaciji Matice Hrvatske na kojoj su svoje prošlogodišnje radove predstavile učenice naše škole **Nejra Pezo i Merjema Dudo**.



POZORIŠNA PREDSTAVA „BAJKA U BAJCI“

Učenici II i III razreda 28. oktobra su gledali pozorišnu predstavu „Bajka u bajci“ u Općini Novi Grad. Oduševljeni su dramatizacijom bajki „Crvenkapica“ i „Princeza na zrnu graška“. Za vrijeme predstave učenici su aktivno sudjelovali u izvedbi iste, tako što su odgovarali na pitanja upućena od strane glumca Marija Drmača.



POSJETA NARODNOM POZORIŠTU

Učenici i učitelji IV i V razreda

03. novembra prisustvovali su Koncertu Sarajevske filharmonije - „Simfonija igračaka“. Sarajevska filharmonija zajedno sa voditeljem Drmačom Mariom, poznatijem kao SUPER Mario, izvela je „Simfoniju igračaka“ kompozitora Leopolda Mozarta, gdje se uz klasični sastav orkestra, određene dionice sviraju igračkama poput čegrtaljke, trube, kukavice i sl.



POSJETA IGMANU, Veliko polje

9. oktobra aktiv nastavnika V-og razreda i njihovi učenici izveli su terensku nastavu na Igman, Veliko polje. Cilj izvođenja terenske nastave je bio upoznavanje životnih zajednica livade, listopadne i crnogorične šume, te prikupljanje biljaka za herbar.



HISTORIJA NOGOMETA U BIH

17. i 18. septembra učenici VII-3, VIII-2 i VIII-4 razreda i učenici sekcije "Kulturna baština naših naroda" (VI razred) posjetili su radionicu "Od prve lopte do Brazila 1903 – 2014" u Historijskom muzeju. Gospodin Amar Karapuš upoznao je učenike sa historijatom postojanja zgrade Muzeja, onda su učenici vidjeli izložbe: Opkoljeno Sarajevo 1992– 1995., Prvi

svjetski rat, Od prve lopte do Brazila 1903–2014. Učenici su učestvovali u radionicama tj. Kvizu znanja, nakon izlaganja o historijatu nogometa u BiH. Jedna ekipa naših učenika je osvojila besplatne ulaznice u muzej naredne godine.

OBILJEŽAVANJE MJESECA KNJIGE I ŠKOLSKIH BIBLIOTEKA

30. oktobra nabolji čitaoci naše biblioteke u školskoj 2013/2014. god. posjetili su Gazi Husrev-begovu biblioteku. **Najbolji čitaoci su:** Ramić Semina, Herak Alina, Osmanović Ajša, Baždar Dženefa, Maksumić Nedžma, Tinjak Anida, Krasnić Edna i Đipa Anida.



POSJETA BAZENU TERME NA ILIDŽI

5. decembra učenici II-3 i II-4 odjeljenja na čelu sa učiteljicama Turković Rabijom i Zorbić Danielom, posjetili su bazen Terme na Ilidži. Djeca su uživala u čarima bazena, kao i u druženju sa drugarima i učiteljicama.



Učenici naše škole obilježili Dan državnosti BiH



Radionica „**UPOZNAJ DOMOVINU DA BI JE VIŠE VOLIO**“ održana je povodom Dana državnosti Bosne i Hercegovine.


Radionica je realizovana **19.novembra**. Učestvovali su učenici i roditelji V - 2, V - 3 i V - 4 razreda. Rad je organizovan u grupama.

Ciljevi radionice:

- ♥ poznavanje učesnika sa osnovnim obilježjima Bosne i Hercegovine,
- ♥ isticanje važnosti domovine za čovjeka,
- ♥ isticanje uloge i odgovornosti čovjeka prema domovini,
- ♥ upoznavanje sa aktivnostima koje čovjek može raditi kako bi doprinio svojoj domovini,
- ♥ razvijanje patriotizma kao ideje lojalnosti i vjeronosnosti prema domovini.



Učenici naše škole obilježili Sat kodiranja



U našoj školi realizovan je najveći edukativni događaj u historiji koji se održava tokom sedmice informatičke edukacije - **“Sat kodiranja”** (Hour of Code) od **08. do 14.decembra**. Cilj Sata kodiranja je da informatiku kao nauku približi učenicima različitog uzrasta kroz veoma kvalitetne i metodički osmišljene vježbe, koje mogu izraditi u jednom satu.

Nagradne igre organizovane su za najaktivnije nastavnike i škole, a učenici su u periodu od 8. - 31. januara 2014. godine, imali mogućnosti na zvaničnoj Facebook stranici “Hour of Code Bosnia and Herzegovina” postaviti svoje fotografije sa Sata kodiranja.

Nagrađeni učenici iz naše škole su: **Nedim Muslim** (V mjesto) i **Amina Srna** (VIII mjesto). Čestitke našim učenicima.

U sklopu nagradne igre za škole Asocijacija informatičara Bosne i Hercegovine dodijelila je 48 paketa ECDL Start testiranja za najtalentovanije učenike.

Naša škola je osvojila **jedno ECDL testiranje**.



Značajni datumi ...

U okviru obilježavanja značajnog datuma **23. septembra** - Godišnjica Druge viteške motorizovane brigade položeno je cvijeće na spomen - obilježe šehidima i poginulim borcima Armije RBiH.



Članovi historijske sekcije na čelu sa nastavnicom Senadom Jusić **1.novembra**, učestvovali su obilježavanju godišnjice bitke na Dujmovskim poljima i pogibije ratnog zapovjednika Zaima Imamovića:

1. Posjeta mezarju u Dejčićima poginulim policajcima na mjestu Kamenolom.
2. Posjeta mjestu stradanja vojnog komandanta Zaima Imamovića.
3. Posjeta mjestu bitke - Dujmovska brda - Treskavica.



28. novembar

U okviru obilježavanja 1. decembra, Dana Oružanih snaga BiH i 9. godišnjice formiranja Oružanih snaga, u Kasarni "Zaim Imamović" Pazarić upriličena je manifestacija "Dani otvorenih vrata". Svečanom postrojavanju prisustvovali su **učenici i nastavnice IV razreda** naše škole.



16. decembar

Učenici i nastavnici naše škole, na čelu sa direktorom Azizom Muhamedović, delegacija Općine Novi grad, Udruženje roditelja ubijene djece opkoljenog Sarajeva 1992.-1995., rodbina i prijatelji položili su cvijeće u Potur Šahidijinoj ulici na mjesto na kojem je prije 22 godine poginulo troje djece, a nekoliko njih je teže i lakše ranjeno. Trinaestogodišnji Admir Holjan i Aldin Alihodžić i desetogodišnji Denis Bašović bili su učenici naše škole.



Članovi historijske sekcije **25. septembra** učestvovali su na Maršu povodom Godišnjice Druge viteške motorizovane brigade i Dana Udruženja "Druga viteška" Novi Grad i prisustvovali historijskom času na brdu Žuč.

Povodom Dana Mjesne zajednice Alipašin most I učenice Suarna Avdagić, Amna Bajramović i Mela Poljo, recitalima su uveličele prigodan program.



08. decembar

Obilježavanje 22. godišnjice oslobođenja kote Vis na brdu Žuč i pogibije Smaje Šikala. Učenjem Fatihe i polaganjem cvijeća na spomen-obilježja i mezarje u Boljakovom Potoku učenici naše škole su obilježili oslobođenje kote Vis na brdu Žuč i godišnjicu pogibije Smaila Smaje Šikala, dobitnika najvećih ratnih priznanja "Zlatni ljljan" i "Medalja za hrabrost" te 21. godišnjica bitaka za odbranu Žuči, koje su se vodile u periodu od 16.12.1993. do 15.01.1994. godine.



06. april

Učenici i nastavnici naše škole su polaganjem cvijeća na spomen-obilježje, historijskim časom za sve učenike i postavkom izložbe likovnih radova učenika, obilježili **Dan grada Sarajeva**.



15. april

Učenici i nastavnici naše škole su polaganjem cvijeća na spomen-obilježje, historijskim časom za sve učenike obilježili **Dan Armije RBiH**.



Zabavno je bilo ...



ŠKOLA SKIJANJA

Od 09.02. do 13.02. Na igmanskom Malom Polju školu skijanja su pohađala 24 učenika šestog razreda iz JU OŠ "Umihana Čuvidina" Sarajevo. U ovaj projekat uključeno je 250 djece iz svih novogradskih škola.

Škola alpskog skijanja je projekat koji od ove godine provodi Općina Novi Grad u saradnji sa KJP ZOI 84 s ciljem razvijanja zdravih navika kod učenika, kao i ljubavi prema našim olimpijskim planinama i zimskim sportovima.

ŠKOLA PLIVANJA

20. aprila Općina Novi Grad Sarajevo organizovala je školu plivanja za učenike petog razreda osnovnih škola. Časovi škole plivanja realizovani su na Olimpijskom bazenu Otoka, a projektom je obuhvaćeno 75 učenika petog razreda raspoređenih u dvije grupe. Svaki polaznik je imao 12 časova plivanja, a obuku su vršili licencirani instruktori. Za učenike je svakodnevno organiziran i prijevoz od škole do bazena i natrag.



MEĐUNARODNI DAN DJEVOJAKA U IKT-u BiH



Od 20. do 24. aprila Centar za promociju civilnog društva (CPCD) obilježio je **Međunarodni dan djevojaka u informaciono-komunikacijskim tehnologijama**, čime se BiH pridružila grupi od 135 zemalja u svijetu koje obilježavaju ovaj dan. Ovaj dan se obilježava u cijelom svijetu i to na jedan dan - svakog četvrtog četvrtka u četvrtom mjesecu. Resursni centar je organizovao inovativne radionice, edukativne i informativne sastanke, te posjete ICT kompanijama za sve zainteresovane djevojke tokom cijele sedmice u kojoj se obilježava Međunarodni dan djevojaka u ICT-u u kojima su učestvovali i naše učenice: **Nejra Pezo, Amina Dudo, Belma Šikalo, Ajriana Kustura i Halima Alibegović**.

DANI ISAKA SAMOKOVLJIE

24. aprila u okviru književno-kultурне manifestacije **XI „Dani Isaka Samokovlije – Sunce nad Drinom“** Goražde – Sarajevo – Fojnica 2015. učestvovale su učenice osmog razreda, **Šikalo Belma, Osmanović Ajša i Đipa Anida**, zajedno sa nastavnikom Dedić Ramizom. Dostojanstveno su predstavile našu školu literarnim radovima i učestvovali u kvizu "Život i djelo Isaka Samokovlije".

Ovogodišnjom književno-kulturnom manifestacijom obilježava se 126 godina od rođenja i 60 godina od smrti Isaka Samokovlije.



Takmičenja na kojima su učestvovali naši učenici

29. septembar

Fudbalska ekipa OŠ „Umihana Čuvidina“ učestvovala je na 6.malonogometnom turniru „Memorijal Druga viteška“ i osvojila **2.mjesto**, a učenik **Anes Beganović** ponio je titulu najboljeg igrača. Bravo Anese!



29. septembar

Povodom obilježavanja 5.oktobra, Dana nastavnika otvoren je konkurs likovnih i literarnih radova. Konkurs je raspisao Sindikat osnovnog obrazovanja Kantona Sarajevo i na tom konkursu naša učenica **Selma Hasković III-4** u kategoriji likovnih radova osvojila je **2.mjesto**. Bravo Selma!



30. septembar

Održan je tradicionalni „**Jesenji kros 2014**“, na kojem su naši atletičari postigli zapažene rezultate. Osvojili su **1. mjesto** u ekipnom poretku 800 m **VI i VII razredi**, a 5. mjesto ekipno u sveukupnom plasmanu. **Muslim Nedim**, učenik XI-2 razreda, osvojio je **zlatnu medalju**, dok je **Amar Kunić** učenik VIII-3 razreda osvojio **bronzanu medalju**.



09. oktobar

Teniski klub "Zmaj od Bosne" je 6. i 7. oktobra bio domaćin završnog Mastersa u kategoriji najboljih juniorki i juniora do 10. godina iz kalendara TSBiH. U kategoriji djevojčica pobijedila je **Suana Tucaković**. Bravo Suana!



12. oktobar

15. MEĐUNARODNA LIKOVNA IZLOŽBA ZA DJECU I MLADE, Hyvinkää, Finska

U konkurenciji od **5880** umjetničkih djela iz **77** različitih zemalja, **likovni rad** učenice **Dalile Šetkić VII-2** je uvršten među najbolje. Dostavljeni radovi su ocijenjeni od strane radne grupe koja se sastojala od umjetnika i umjetničkih edukatora. Čestitamo Dalila na postignutom uspjehu!



24. novembar

U organizaciji Općine Novi Grad, povodom Dana državnosti Bosne i Hercegovine, na nagradnom konkusu za najbolje literarne radove učenika VIII razreda na temu: "Ponosan/a sam na svoju domovinu", učenica **Amina Dudo** osvojila je 3. mjesto. Bravo Amina!



24. decembar

U multimedijalnoj sali Općine Novi Grad Sarajevo 24. decembra je održano finalno takmičenje učenika novogradskih osnovnih škola pod nazivom „Djeca pjevaju hitove“. Učenica **Nejra Hamzić** osvojila je **treće** mjesto u kategoriji nižih razreda. Bravo Nejra!



14. decembar

Turnir u malom nogometu pod nazivom „**Šehidima i poginulim borcima Novog Grada 2014.**“ održan je **13. i 14. decembra 2014. godine** u Sportskoj dvorani "Ramiz Salčin" – Mojmilo. Još jednom smo pokazali da smo najbolji!



27. decembar

EU info centar dodijelio je likovnoj sekciji zahvalnicu za podizanje svijesti o dječijim pravima kreativnim učešćem u likovnom takmičenju "Svako dječije pravo bitno je pravo".



03. mart

Na takmičenju za najbolji literarni rad na temu „Nezavisnost i sloboda ne daju se na poklon“, koje je organizirala Služba za obrazovanje, kulturu, sport i lokalni integrисани razvoj Općine Novi Grad Sarajevo za učenike sedmog i osmog razreda novogradskih osnovnih škola, **prvo mjesto** osvojila je naša učenica osmog razreda **Amina Dudo**. Bravo Amina!

21.mart

Na međunarodnom hrvačkom turniru "Serbia Open" koji je održan u Beogradu naš vrijedni učenik **Husein Grgić** još jednom je pokazao ko je najbolji i osvojio zlatnu medalju. Čestitamo!

21.mart

Denin Skorupan, učenik IX-2 razreda, na **Kantonalnom takmičenju iz njemačkog jezika** za osnovne škole, osvojio je **2.mjesto**. Čestitamo!



25. aprila održana je **Smotra tehničkog stvaralaštva mladih Kantona Sarajevo**. Postigli smo slijedeće rezultate iz pojedinačnih disciplina:

FOTOGRAFIJA DIGITALNA

Zadana tema: („Kultурно historijske znamenitosti BiH“) - Jasmin Peštek - **1.mjesto**
Slobodna tema: Šejla Suljević – **2. mjesto**

DOKUMENTARNI FILM

Naziv filma: „U svijetu Branka Ćopića“ (Arijana Kustura, Bakir Čičak i Sanida Plavčić) - **1.mjesto**

ARHITEKTURA BUDUĆNOSTI

Naziv rada: Rotirajući tornjevi (Šejla Suljević i Kenan Đulić) - **3.mjesto**

GRADITELJSKA BAŠTINA

Naziv rada: Bosanska kuća (Salem Mujkić, Amar Jejna i Jasmin Peštek) - **3.mjesto**

SPORTSKO TEHNIČKA DISCIPLINA

Naziv rada: Modeli jedrilica A-1 i A-2 (Kenan Đulić i Jasmin Peštek) - **3.mjesto**

RADOVI PEDAGOGA TEHNIČKE KULTURE

Unapređenje nastave tehničke kulture

Naziv rada: Princip rada dvotaktnog motora (nastavnik Almir Delić) - **2.mjesto**

REUTALIZACIJA

Naziv rada: Hard disk brusilica
(Berina Oruč, Maida Mešanović, Kenan Đulić i Šejla Suljević)

Plasirali smo se na državno takmičenje iz 7 disciplina.

Iskrene čestitke!

21.mart

U kategoriji **VIII razreda** takmičili su se: Tinjak Anida VIII-1, Džindo Nedim VIII-4 i Hodžić Semina VIII-1. Ukupno su osvojili **156,5 bodova** i **3. mjesto**.

U kategoriji **IX razreda** takmičili su se: Hasanbegović Amina IX-1, Bakal Admira IX-2 i Hodžić Ermin IX-5. **Hasanbegović Amina**, sa ukupno osvojenih **76 bodova** se plasirala na Kantonalno takmičenje.

23.aprila

na Atletskom KUP-u Kantona Sarajevo ostvareni su slijedeći rezultati:

Štafeta 4x100m: Nedim Muslim, Kenan Đulić,

Jasmin Peštek i Ćazim Hajradinović – **1. mjesto**

Disciplina 600m: Hana Isljami - **2. mjesto**

Disciplina 300m: Nedim Muslim - **2. mjesto**

Disciplina 60m: Elvedin Subašić - **2. mjesto**

Kugla: Irhad Nikšić - **3. mjesto**

Ekipno: JU OŠ „Umihana Čuvidina“ – **3. mjesto**.

Iskrene čestitke!



Edukativna druženja učenika i nastavnika

POSJETA 10. ZIMSKOM SALONU KNJIGE I SAJAMU ZDRAVE HRANE "AGOFOOD"

18. decembra članovi novinarske sekcije sa nastavnikom Dedić Ramizom i bibliotekarkom Edinom Tvrković posjetili su 10. Zimski salon knjige i Sajam zdrave hrane "Agrofood".



KREATIVNA RADIONICA - SRETAN TI PRAZNIK, MAMA



Povodom Međunarodnog dana žena, **24. i 25. februara** nastavnice i učenici **5. razreda** realizovali su *kreativne radionice za mame* pod nazivom "**SRETAN TI PRAZNIK, mama**".

POSJETA GRAĐEVINAMA IZ PROŠLOTI U SARAJEVU

13. marta aktiv nastavnika **IV razreda** je realizovao posjetu građevinama iz prošlosti u Sarajevu s ciljem upoznavanja kulturne baštine našeg zavičaja.



POSJETA AVAZ TWIST TOWERU

15. aprila učenici **III razreda** sa svojim nastavnicima posjetili su vidikovac na vrhu AVAZ TWIST TOWERA. Posjetu su upotpunili i vožnjom vozom od Alipašinog Mosta do glavne željezničke stanice Sarajevo.



TURIZAM I KULTURNO-HISTORIJSKO NASLIJEĐE

17. aprila učenici i učitelji **V razreda** u šetnji Baščaršijom učili su o važnosti kulturno-historijskog naslijeđa i odgovornosti za njegovo očuvanje. Posjetili su: Sabornu crkvu, Katedralu, Stari hram, Novi hram, Gazi-Husrefbegov bezistan, Begovu džamiju, Muzej Sarajeva i Carevu džamiju. Prošli su kroz Kujundžiluk i upoznali se sa nekim starim zanatima.

RADIONICA ZA IZRADU MODELA AVIOJEDRILICA



20. januara u sklopu seminara za stručno usavršavanje nastavnika tehničke kulture u OŠ "Aleksa Šantić" održana je radionica za izradu modela aviojedrilica u kojoj su učestvovali naši učenici **Đulić Kenan i Peštek Jasmin** zajedno sa svojim nastavnicima, **Bijedić Adisom, Nuhanović Adisom i Delić Almirom**.

POSJETA FABRICI CIJEVI "BOSNAPLAST" U SARAJEVU

27. marta aktiv nastavnika **III razreda** posjetio fabriku cijevi "BOSNAPLAST". Posjeta je organizovana u sklopu realizacije nastavne jedinice "Tvornice/fabrike u zavičaju" iz predmeta Moja okolina.



POSJETA MUZEJU GRADA SARAJEVA - DESPIĆA KUĆI

14. aprila članovi historijske sekcije posjetili su **MUZEJ GRADA SARAJEVA - DESPIĆA KUĆU**. Svoje utiske zabilježili su u knjigu utisaka depadansa Muzeja Sarajeva.



Intervju sa direktorom škole, Azizom Muhamedovićem



Poštovani gospodine direktore, velika nam je čast što ste odvojili svoje vrijeme kako biste odgovorili na nekoliko pitanja koja zanimaju nas i ostale članove Novinarske sekcije.

Adul: Možete li nam reći da li ste zadovoljni postignutim rezultatima u školskoj 2014/2015. godini?

Direktor: Ne da sam zadovoljan, nego sam prezadovoljan, jer je ova školska godina bila veoma uspješna, svake godine rezultati su sve bolji i bolji.

Adul: Možete li istaći rezultate sa kojima ste posebno zadovoljni?

Direktor: Najbolji rezultat je vaš uspjeh koji ste postigli u osnovnoj školi, a sa tim uspjehom predstavljate se u najboljem svjetlu u srednjoj školi.

Adul: Da li ste zadovoljni disciplinom u ovoj školskoj godini?

Direktor: Zadovoljan sam disciplinom, a to je rezultat dugogodišnjeg rada na vašem odgoju i rezultat rada vaših roditelja i nastavnika.

Adul: Šta mislite o našim maturantima, da li su prethodne generacije bile bolje?

Direktor: Mislim da su dobra generacija i da će svaka naredna generacija biti sve bolja i bolja.

Adul: U našoj školi ima zaista mnogo talenata u raznim oblastima, dosta je bivših učenika ove škole postalo uspješno na raznim poljima, postali su značajni i veliki ljudi, da li Vi možete izdvojiti neke učenike koje vidite u posebnom svjetlu?

Direktor: Slažem se sa vama da u našoj školi ima dosta talenata koji će u budućnosti biti poznati u raznim oblastima kao što su nauka, medicina, elektrotehnika, novinarstvo ili sport.

Adul: Šta mislite zašto se neki učenici nekorektno ponašaju prema svojim drugovima i nekim nastavnicima?

Direktor: Mislim da takvih učenika ima veoma malo i da je tu zakazao kućni odgoj. Ipak je najbitnije ono što ponesemo od kuće, a u školi možemo samo poboljšati naše kućno vaspitanje.

Adul: Možete li nam reći šta mislite o ekskurziji koja će biti u septembru naredne školske godine?

Direktor: Volio bih da i naredna ekskurzija bude uspješna kao i prošla, jer gdje god smo dolazili ostavili smo dobar dojam. Postali smo prepoznatljivi po našem odnosu prema domaćinima i imovini koju smo koristili. Nigdje nismo napravili nikakvu štetu i to nas posebno raduje. To je zasluga veših nastavnika i roditelja koji su vas lijepo odgojili.

Adul: Kako ocjenjujete rad sekcija u ovoj školskoj godini?

Direktor: Sve sekcije postižu zavidne rezultate u svom radu, ali mislim da uvijek može bolje.

Adul: Da li mislite da su učenici devetog razreda stekli dobru podlogu za upis u srednju školu?

Direktor: Mislim da jesu, jer kroz dodatnu nastavu imate priliku proširiti svoje znanje i možete dosta toga naučiti. Tu su i vaši nastavnici koji nesebično rade da vam pruže što više znanja. Oni su veoma dobri i vi morate koristiti tu priliku.

Adul: Šta na kraju možete poručiti vašim učenicima?

Direktor: Dragi učenici učite dok je vrijeme. Učiti u starosti isto je što je pisati po vodi.

Adul: U ime školskog lista Adul i u naše ime Vam se zahvaljujemo na istrenim odgovorima, obačavamo da ćemo se uvijek sjećati divnih trenutaka provedenih u OŠ „Umihana Čuvidina“.

Predstavljamo



IX-1 sa razrednikom Delić Almirom:

Abaza Mubina, Čaušević Mersudin, Hasanbegović Amina, Hodžić Ibro, Hodžić Musa, Hodžić Zubeir, Isaković Amila, Išerić Armin, Kondo Tarik, Matoruga Emra, Ramić Aldin, Serhatsić Belmin, Šabanović Belma, Šaćić Adi, Šebo Amna, Šetkić Emina, Šetkić Emir, Vrana Alija, Ždero Adnan i Žiga Aidin.



IX-2 sa razrednicom Efendić Sanelom:

Bahtanović Belma, Bakal Admira, Bećirović Adi, Brđanin Adna, Ćamo Nedim, Ćubara Emrah, Džaferović Anela, Đulić Kenan, Emini Ismail, Falan Isma, Fehrić Edin, Helsić Arnela, Jahić Amar, Kukuljac Anesa, Muslim Nedim, Pezo Elmin, Sadiković Sadik, Skorupan Denin, Suljević Šejla i Šehović Azra.



IX-3 sa razrednicom Hukara Ševalom:

Babačić Hadisa, Bajramović Lamija, Bezdrob Rijad, Ćatić Anel, Grabovica Kerima, Hot Melisa, Hodžić Elvir, Hasić Edisa, Jejna Faris, Karić Abdusselam, Krajčin Medina, Lukovac Amar, Miletić Andrea, Peštek Jasmin, Prašović Selma, Papić Amar, Smajlović Selma, Titorić Ervin i Šoškić Sadin.



maturante

IX-4 sa razrednicom Botulja Elmom:

Bilasović Emin, Bukva Faris, Čavrk Adnan, Čeljo Bakir, Džuho Benjamin, Đedović Denisa, Hajradinović Ćazim, Hodžić Lejla, Kasapović Haris, Memić Arnel, Mešanović Amna, Mršo Emin, Peštek Amina, Plavčić Meldina, Plavčić Sanida, Serđarević Elđin, Spahija Dženan, Šišić Adelisa, Tarić Rijad i Turković Adis.



IX-5 sa razrednicom Proho Samijom:

Alajbegović Adna, Arnaut Sanin, Bezdrob Adin, Čeković Arif, Dizdarević Hamed - Ernis, Dželović Meldin, Hodžić Ermin, Hodžić Irfan, Jašarević Harun, Nikšić Irhad, Podrug Mirna, Rđžović Maida, Subašić Harun, Šehović Elma, Tarić Džejla, Zemanić Melisa i Ždero Faris.



*Postoje stvari koje nikad ne želimo pustiti, ljudi
koje ne želimo ostaviti iza sebe. No treba imati na
umu da puštanje nije kraj svijeta, to je početak
novog života!*



Ekskurzija učenika IX-og razreda Kružno putovanje kroz BiH i Hrvatsku



U periodu od **07.10.** do **11.10.** na čelu sa direktorom Muhamedović Azizom, 73 učenika IX-og razreda i pet nastavnika realizovana je ekskurzija predviđena Nastavnim planom i programom. Ekskurzija je realizovana kružnim putovanjem kroz BiH i Hrvatsku: **Sarajevo - Konjic - Jablanica - Mostar - Makarska.**

I DAN

Polazak u 7:00 sati ispred škole. Obilazak Konjica (Zavičajni muzej i Rodna kuća Zuke Džumhura). Obilazak Mostara – Stari most i Stari dio grada. U popodnevnim satima dolazak u Makarsku. Smještaj u Hotel Palma. Večera. Disko veče.


II DAN

Doručak. Obilazak Makarske, posjeta Malakološkom muzeju. Ručak. Rekreativne aktivnosti. Večera. Šetnja Makarskom rivom. Disko veče.



III DAN

Doručak. Izlet u Split. Učenici su zainteresovano posjetili Dioklecijanovu palaču. Prošetali Splitskom rivom. Povratak u Makarsku na ručak. Rekreativne aktivnosti. Večera. Šetnja Makarskom rivom. Disko veče.



V DAN

Doručak. Rekreativne aktivnosti i spremanje za napuštanje Hotela Palma. Ručak. Polazak iz Hotela Palama oko 14:00 sati. Posjeta Počitelju. Obilazak Blagaja i Bune. Kratka posjeta Jablanici. Dolazak u Sarajevo u večernjim satima.

Intervju sa Nurom Bazdulj-Hubijar

Članovi novinarske sekcije Nejra Pezo i Belma Šikalo, radile su intervju sa bosansko-hercegovačkom književnicom Nurom Bazdulj Hubijar. Nura Bazdulj Hubijar je napisala mnogo djela, a najpoznatija među njima su: „Ja, slavni Ja“, „Ruža I,II,III“, „Ljubav je sihirbaz babo“, „Šta te muči, Tamaguči“...

Hvala Vam što ste izdvojili svoje vrijeme za naš mali intervju sa Vama. Veliko nam je zadovoljstvo sa Vama raditi intervju. Kada ste prvi put počeli sa pisanjem, i šta je bilo to prvo što ste napisali?

- Počela sam pisati kao učenica osmogodišnje škole, a počela objavljivati u srednjoj školi i u toku studija. To su bile uglavnom pjesme, a objavljivala sam ih u novinama. Prvu knjigu sam objavila 86. Bila je to zbirka pjesama za djecu "Ja, slavni ja".

Šta je bilo to što Vas je potaknulo željom za pisanjem, prvim izlobama knjiga, kako je to krenulo?

- Zapravo su nastavnici i moji roditelji smatrali da imam dar za pisanje. Živjela sam u to doba u Sarajevu i na svim općinskim i međuopćinskim takmičenjima u literarnim radovima uvijek dobivala prvu nagradu. Eto, tako je počelo. A na izložbe knjiga nisam išla. Zato sam u biblioteci čitala sve što mi je dolazilo pod ruku.

Da li možete zamisliti život bez pisanja?

- Naravno da bih. Može se živjeti bez svega osim bez života. Ali, s pisanjem, život je mnogo ljepši.



Da možete živjeti u nekoj knjizi, koja bi to bila, I zašto?

- Život svakog čovjeka je knjiga. Ja živim u knjizi mog života i nikad je ne bih mijenjala.

Da imate tu moć, da li bi pročitali kraj knjige svog života?

- Ne bih.

Po Vašem mišljenju, koja je to knjiga koju ste najbolje napisali? (Vaša knjiga)

- Volim sve, baš sve moje knjige. Zbilja se ne mogu odlučiti.

Vaš omiljeni odlomak iz knjige?

- Neka to bude maleni odlomak iz "Ljubav je sihirbaz, babo".


„Ti si meni, babo, uvijek govorio priče u kojima dobro pobjeđuje zlo, ljubav pobjeđuje mržnju, milosrđe grubost, pamet ludilo. Krivo si me učio, babo. Da si me učio drukčije, možda bih ogrubjela, možda bih sve lakše podnosila. Morao si mi kazati da je život period tmurnog, sivog vremena s iznenadnim a kratkim sunčanim trenucima. Ja će tako učiti svoju djecu.“

I za kraj, imate li neku poruku za mlade pisce, i da li možemo očekivati novi roman?

- Poruka za mlade pisce? Bez dara za pripovjedanje nema pisca. Osim toga, nužno je puno, jako puno čitati i to ne bilo šta nego kvalitetne knjige. Ljubav za taj posao je također jako bitna. Ne samo ljubav, čovjek mora osjećati potrebu da piše.

Prije nekoliko dana sam završila pisanje romana – Kao jedne davne zore. Trebao bi biti objavljen u decembru ove godine. Puno pozdrava za sve vas. Volite se, vjerujte u dobro i dobrotu.

Hvala Vam što ste se odazvali pozivu za intervju, i odgovorili na naša pitanja.



Realizovani projekti i projektna nastava

JEDAN PAKETIĆ ZA JEDAN OSMIJEH

30. decembra učenici i nastavnici JU OŠ "Umihana Čuvidina" su učestvovali u projektu "Jedan paketić za jedan osmijeh", kao i u prodaji čestitki u sklopu projekta.
I ove godine smo odlučili da izmamimo osmijehe kod svojih drugova i drugarica u Konjević Polju i onih sa slabijim materijalnim stanjem.



UČENICI OD I DO V RAZREDA

ZABAVNA MUZIKA:

Inela Karić V-3
Adna Bašalić IV-3
Nejla Babačić IV-4

SPORT: KARATE

Amar Pripo V-4
Ajla Serhatlić IV-1
Tarik Tošić IV-3

NARODNA MUZIKA:

ZAHVALNICA

Hena Peštek, Sumeja
Kalača i Adna Šahinović V-3



POKAŽI ŠTA ZNAŠ

31.decembra u fiskulturnoj sali naše škole je izvršena realizacija projekta. Učenici su uživali pokazujući šta znaju, a uživali su i svi prisutni. Takmičili su se u različitim kategorijama. Izabrali smo najbolje od najboljih.



GLUMA: ZAHVALNICE

Lamija Gagula IV-4

UČENJE IZ KUR'ANA:

ZAHVALNICA

Elvin Išerić IV-4

PLES: ZAHVALNICA

Odjeljenje II-4

RECITACIJA:

Merjem Halilović III-3

Mela Poljo IV-3

Sanel Bajramović II-4

LIKOVNI RADOVI:

Merjem Katana III-3

Adi Muslić IV-1

Belkisa Duljević IV-4

UČENICI OD VI DO IX RAZREDA

ZABAVNA MUZIKA:

Altijana Kustura, Arijana Kustura, Amna Banda i Halima Alibegović VII-3
Šejla Hodžić VIII-3
Delila Livadić VI-1

NARODNA MUZIKA:

Amina Poturak VIII-2
Midhat Nuhanović VIII-1
Almin Podrug VI-5

LIKOVNI RADOVI:

Azra Šehović IX-2
Melisa Karalić VII-5
Arijana Kustura VII-3

GLUMA: ZAHVALNICE

Hana Čustović, Amina Fazlagić, Nejla Č., Aldin Č., Sanida Šoškić i Armin Dizdarević VI-2

Anes Mirvić, Adi Kurtović i Nermin Husejnović VI-3

SEKCIJE: ZAHVALNICE

MLADI ENGLEZI i Arman Bašović V razred

MLADI NIJEMCI, VI razred

RECITACIJA: ZAHVALNICA

Ilda Ramić VI-2

PLES: ZAHVALNICA

Odjeljenje IX-4

INSTRUMENTALA:

KLAVIR – ZAHVALNICA

Abduselam Karić IX-3

BEATBOX: ZAHVALNICA

Faris Ćatić VI-5



IZBOR NAJDEMOKRATIČNIJE ŠKOLE

14. i 15. februara članovi naše škole učestvovali su u prvoj fazi projekta "Izbor najdemokratičnije škole"- regionalna obuka predstavnika u organizaciji Obrazovnog centra za demokratiju i ljudska prava CIVITAS koja je realizovana u hotelu Hollywood na Ilidži.



NACIONALNE MANJINE U BiH



12. marta realizovan je projekat „Nacionalne manjine u BiH“ kroz povijesni period, njihova kultura, tradicija i običaji danas i odnos drugih prema njima. Učestvovali su Aktiv nastavnika Historije, Geografije, Građanskog obrazovanja, Vjeronauke i

Društva/kulture/religije, te članovi Historijske i Geografske sekcije, sekcije Kulturne baštine i sekcije Civitas, učenici i roditelji. Cilj projekta je da se u smislu multikulturalnog odgoja postigne razumijevanje ravnopravnosti naroda i njihovih kultura, razumijevanje bogatstva u društvenim različitostima, poticanje razvoja demokratskih i tolerantnih stavova, te odgovornog odlučivanja o važnim problemima.




ZABAVNO UČENJE JEZIKA



08. maja povodom obilježavanja značajnih datuma – 9. maj, Dan pobjede nad fašizmom i Dan Evrope, **Aktiv nastavnika stranih jezika realizovao** je projektu nastavu pod nazivom "ZABAVNO UČENJE JEZIKA".



Radovi naših učenika ...



SARAJEVO

Volim pjesme
koje pjevaju o tebi,
volim zemlju po
kojoj
hodaju Sarajlije
tvoje,
sve s tobom
savršeno biti mora,
grade moj, ljubavi
moja.

Ovdje, gdje smo svi
na svom
maleni dječaci
ostvaruju snove
svoje

na stadionu tvojim,
i pod okriljem tvojim
u ljubavi tvojoj mirno
plove.

Ovo je mjesto
gdje najljepše ptice
lete
a imaju i gdje da
polete
u mom rodnom
Sarajevu
rodnom kraju
šeher Bosne,
šeher Sarajevu.

Karalić Melisa VII-5

KNJIGA

Nepomični mali
predmet
lijepo boje uvijek,
puna poučnih riječi
i nepoznatih
svorenja.

Ona nas uči ljepoti
ovoga svijeta i vijeka.

Uči nas kulturi
ovog predivnog
života.
Drugo joj ime znanje,
treće mudrost,
četvrto poslušnost,
a prvo ime joj je
knjiga.

Šehić Amar VII-3

Moja draga BiH

Domovino moja lijepa
Domovino moja mila
Samo uz tebe mogu
Biti sretna i živa.


Ti mi daješ snagu
U tebi imam sve
Samo ti budi tu
Uvijek uz mene.

Dušmani su te rušili
Pa te sada dijele
A ja želim da to prestane
Jer ne želim d' ate
nestane.

Nadam se boljem sutra
Živim za taj dan
Da se mojoj Bosni
Vrati izgubljeni sjaj.

Ja sam dio Bosne
I ona je dio mene
Nikada te neću zaboraviti
Bilo gdje da krenem.

Ena Cibra VII-4



Nirmela Čalija VII-5

Brat

Meni ujutro ne treba sat
jer me nježno probudi brat.

Zajedno se igramo,
danu se veselimo,
a kad od igre odmor pravi
voli sa mnom da se šali.

Kad u kući nije
meni se ne smije,
pa odmah sa vrata
grlim svoga brata.

Volim ga jako
neka zna svako.

Sara Kurtović VI-4

SURFAJ SIGURNO

Surfati, to je lako
i to može radit svako,
samo moraš znati kako.
Nikad ne daji lične podatke,
jer te može koštati glave.
Ako odaš te podatke ti
moraš znati,
da te sada neko prati.

Muslim Nedim IX-2

SREĆA

Sreća je kad ugledaš osmijeh.
Sreća je kad te neko razveseli.
Sreća je kad čuješ veselja odjek.
Sreća je kad ti se cvijet otvori.

Sreća je kad se nekome nasmješiš.
Sreća je kad dođe sunčan dan.
Sreća je kad se zdrav probudiš.
Sreća je kad si sretan s onim ko ti je drag!

Tinjak Anida VIII-1



Amina Fazlagić VI-2

Knjiga

Knjiga ti je dobar drug,
ona te vodi na pravi put.

Knjiga ti maštu stvara
i čarobna vrata otvara.

Odvede te u svijet čuda,
I ponosno provede svuda.

Iza snijega, iza kiše,
nek knjiga uvijek s tobom
diše.

Nejra Pezo VIII-2

Moja domovina

Najljepša je u proljeće,
kad sva ozeleni -
sva u suncu usred ljeta
baš se sviđa meni.

U jesen je sva od zlata,
baš takvu je želim,
a zimi je sva u snijegu
i tom se veselim.

Bilo koje da je doba
ona mi je mila,
i volim je od sveg srca
uvijek, ma gdje bila.


Lejla Zorlak VI-3



Nelda Šulović I-1



Volimo da pišemo, crtamo, slikamo ...



Ema Džuho I-1

Mama

Ona je lijepa,
ona je mila,
ona je za mene
nježna kao vila.



Azra Šehović IX-2

Moja nana

Kroz njene oči blistav sjaj
Isijava poseban žar, eh takav je moja nana
imala vječiti sjaj...
Toplinu neku zanosno
pogledom pruža i kao dar na naša srca spušta
Eh, takva je nana nama bila dar!
Sva ljubav srca njena
Stala su u deset dječijih srca
Sad leže kao tajna jedna
jer nje više nema!



Rijad Okerić VI-5

Zaboravu mjesta nema i u hiljadu boja
ona sada sanja i dalje živi u nama, a
toplinu njenu moje srce čuva!
Eh, takva je naša nana bila!
Nedostaje taj plamičak
sreće i njenog osmijeha,
kao dječije igre
ispred dvorišta...




Mirza Kahriman VI-1

Eh, moja nana imala je takav sjaj
koji никада нећe umjeti da - DA!
Božanski sjaj dušu puni, a srce moje za njom žudi .
Eh, takvu sam nanu imala ja...

Svi mi imamo nekoga,
ko na nebu dodiruje oblake...
Taj neko više nije tu,
ali bismo dali sve
da čujemo njegove korake.

Nejra Pezo VIII-2



PAHULJICA

Na ruku mi sletjela nježna ptica.
Krhkih krila i bijelog tijela.
Reče: „Ime mi je pahuljica,
i tvoju bih ljubav htjela!“

Znam, život će joj se završiti
brzo,
Ali možda je željela ruku moju.
I u nju sletjela hitro,
da zaželi posljednju želju svoju.

„Željela bih ostaviti trag iza sebe,
jer živim dok žive moja djela!“
Jedva mi ona to reče,
pa nesti njenoga tijela...



Tinjak Anida VIII-1

SREBRENICA

I dalje ne mogu ja da
shvatim,
kako ubijene sad da
vratim.
Kako da mi ne kane
suza sa lica,
kad se spomene
Srebrenica.

Vas više nema među
nama,
i svaki dan je pred
očima tama.
Ja ne mogu da krijem
suze sa lica
kada se spomene
riječ Srebrenica.

I pitam se hoću li vas
naći,
na putu prema vama,
šta će mene naći.
Da li će vam ikad
vidjet lica
nakon onog što se
zove Srebrenica.

I pitam Boga
Uzvišenog, gdje ste
sada,
da li će vas pronaći,

postoji li nada.
Nikad neće otici suza
sa mog lica
i nikad se neće
zaboraviti
Srebrenica.

**Halima Alibegović
VII-3**

MOJA PORODICA

Moja porodica.
To je riječ od slova osam,
a ja je u srcu nosam.
Rodila me moja mati,
ispunila snove tati.
Baš je sretan moj dragi tata
jer moje su sestre
vrijednije od zlata.
Moje seke u strukama svojim
majstori su pravi,
jedna ljude šiša, a druga ih hrani.
I za kraj da vam nešto kažem,
dobro pogledajte osmijeh na
mom licu,
jer sam ja sretan uz svoju
porodicu.

Sanel Bajramović II-4

SURFAJ SIGURNO

Surfaj, surfaj bez
problema, imat ćeš
koristi i lijepih tema.
Samо paziti i lijepo
surfati, samо da bude
od naše koristi.

Pažljivo prstima
miš pokretati
dugmiće stiskati lijepo.
Surfaj, surfaj bez
problema, imat ćeš
koristi i lijepih tema.

Fatima Smajović VII-2



Veliki, a mali pisci

SUNCE NAD DRINOM

Satkana od ljutnje i bijesa. Ispunjena bolom i patnjom zbog zlih ljudi. Željna ljubavi zbog zlobe tih ljudi, i puna straha da se opet ista tragedija ne dogodi. Korita njena presušila u želji da dođu ljepši dani. I dalje protiče Bosnom, ponosna na svoje ljude pune ljubavi. Nada se boljem vremenu u srećnijim danima. Rijeka kojom su plutali mrtvi, nevino ubijeni ljudi. Rijeka kojom je tekla krv ljudi koji su dolazili njoj po utjehu. Tražili u njoj utjehu i bijeg od stvarnosti. Gledali u nju suznih očiju i čekali bolje dane. Plakali zajedno sa njom. Rijeka puna kamenja, kao i put do srećnijih dana. Nemirna rijeka koja je mnogo toga vidjela. Drina koja se nalazi ispod čuprije, Drina o kojoj je napisana knjiga, i Drina kao najduža rijeka u Bosni i Hercegovini. Iako su iznad nje i dalje crni oblaci koji su nam donijeli neprijatelji i zaboravili ih ponijeti kada su odlazili. Neponovljiva rijeka puna ljubavi. Kroz te crne oblake probija se sunce, bori se da svojoj Drini vrati sjaj. Bori se za njenu slobodu. Iznad Drine lile su teške novembarske kiše, a poznato je da poslije kiše dođe duga. Da se bori i bude jača nego ikad prije. Jer samo hrabri bore se do kraja. Bore se za bolje sutra, za ljepšu i svjetliju budućnost svojih kćeri i sinova, za bolju budućnost njihovih sugrađana, za bolju budućnost svih ljudi dobre volje. Bore se da se nikada više ne ponovi krvava historija, da Drina uvijek teče bistra i lijepa, kao što samo Drina može biti bistra i prozirna. Bore se da sunce nad Drinom uvijek sija najljepšim sjajem, da svojom snagom dariva novi život, koji će biti ljepši i sjajniji od svih dosadašnjih života. Da Drina nikad ne poteče mutna i krvava, da uvijek bude bistra i vesela, da pjeva o slobodi i nezavisnosti naših naroda, vrijednih i poštenih ljudi koji svojim trudom vraćaju nadu u bolji život. Za takvu Drinu bore se Podrinjci, hrabri i ponosni ljudi, koje niko i ništa nije mogao otjerati sa obala ove plahe ljepotice. Dok postoji takvi ljudi i sunce nad Drinom ponosno će obasjavati nove puteve u svjetliju i prosperitetniju budućnost.



Đipa Anida VIII

MOJA MAMA



Moja mama me nježno i strpljivo vodi stazama djetinjstva i voli više od svega na ovome svijetu.

Dodir njene nježne ruke otjera svaku brigu i ublaži moju tugu. Njen svjetla kosa lagano pada na ramena, a u krupnim plavim očima primjetim radost i veselje svaki put kad me pogleda. Jako su mi interesantne pjegice, koje se nalaze na malom nosu i blijedom licu moje mame. Dok užurbano prilazi mom krevetu da mi poželi lahku noć i lijepe snove vidim njene naušnice kako svjetlucaju u mraku, a njen miris poput cvijetne livade počne se širiti mojom sobom. Nježno se sagne i spusti svoje tanke, mehke usne na moj obraz.



Vjerovatno zbog toga su moje noći i snovi lijepi, a dani bezbrižni i ispunjeni ljubavlju koje mi moja mama pruža.

Hamza Hodžić VII-4

Zabavna strana



Rješenje: _____



RIJEČI SA SLIČICA,
ONAKO KAKO SE PIŠU
NA ENGLESKOM,
ZAOKRUŽI U OSMOSMJERCI




S // T //

Rješenje: _____

ZAGONETKA
Dva i dva lista
Posve ista
Vezana životom
Sami se listaju i lijeću
Svojom ljepotom
Pristaju cvijeću!

To je ...





Amina Dudo VIII-1